



Broj: 01/2-04-1847-4/21  
Breza, 16.07.2021. godine

Na osnovu člana 69. stav (2) tačka d) i člana 70. st. 1. 4. i 6. člana Zakona o javnim nabavkama („Službeni glasnik BiH“, broj 39/14) i člana 116. Statuta Općina Breza – Prečišćeni tekst („Službeni glasnik Općine Breza“ broj: 8/09), na Preporuku Komisije za javne nabavke (broj 02/1-2-11-1848-7/21 od 15.07.2021. godine) u postupku javne nabavke usluga: „Revizija projektne dokumentacije za projekte zaštite i korištenja voda“, Općinski načelnik d o n o s i

**ODLUKU**  
**O PONIŠTENJU POSTUPKA JAVNE NABAVKE USLUGA**  
**Revizija projektne dokumentacije za projekte zaštite i korištenja voda**

**Član 1.**

Poništava se postupak javne nabavke usluga: „Revizija projektne dokumentacije za projekte zaštite i korištenja voda,“ iz razloga propisanih članom 69. stav (2) tačka d) Zakona o javnim nabavkama („Službeni glasnik BiH“, broj 39/14), odnosno iz razloga što primljena ponuda nije prihvatljiva.

**Član 2.**

Ova Odluka objavit će se na web-stranici Općine Breza, [www.breza.gov.ba](http://www.breza.gov.ba), u skladu sa članom 70. stav (6) Zakona o javnim nabavkama.

**Član 3.**

Postupak poništavanja nabavke provešće se u skladu sa odredbama Zakona o javnim nabavkama („Službeni glasnik BiH“, broj 39/14).

**Obrazloženje**

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-1848/21 i Odlukom o pokretanju postupka javne nabavke broj: 01/2-04-1847/21 od 02.07.2021. godine.

Javna nabavka je provedena putem postupka konkurentskog zahtjeva za dostavu ponuda.

Procijenjena vrijednost javne nabavke usluga: „Revizija projektne dokumentacije za pojekte zaštite i korištenja voda,“ bez PDV-a iznosi 1.300,00 KM.

Obavještenje o nabavci broj: 726-7-2-24-3-9/21 poslano je na objavu dana 05.07.2021. godine te je istog dana objavljena na Portalu javnih nabavki.

Tendersku dokumentaciju su preuzeli sljedeći ponuđači:

1. INSTITUT ZA GRAĐEVINARSTVO "IG" BANJA LUKA
2. ZAVOD ZA VODOPRIVREDU D.D. SARAJEVO
3. EKAPIJA d.o.o.

4. IBIS D.O.O. ZAVIDOVIĆI
5. SMAJIĆ-INŽENJERING D.O.O.
6. TQM D.O.O.LUKAVAC
7. HYDRO CONTROL D.O.O.
8. BBS Europe
9. INPROS
10. "SENDO" D.O.O. SARAJEVO
11. RMK ENGINEERING D.O.O SARAJEVO
12. INSTITUT ZA HIDROTEHNIKU D.D. SARAJEVO
13. DELI DESIGN STUDIO & CONSULTING
14. O.D.PROJEKTNMI BIRO STABILITY
15. JANI D.O.O.

Komisija za javnu nabavku imenovana je Rješenjem (broj 01/2-04-1847/21 od 13.07.2021. godine).

Komisija za javne nabavke dostavila je dana 14.07.2021.godine, Zapisnik o poništenju postupka javne nabavke usluga, broj: 02/1-2-11-1848-6/21 i Preporuku o poništenju postupka javne nabavke usluga, broj: 02/1-2-11-1848-7/21.

U postupku po izvještaju o radu je utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan)
- da je blagovremeno zaprimljena 1 (jedna) ponuda
- da nije bilo neblagovremeno zaprimljenih ponuda
- da ponuda ponuđača „SMAJIĆ-INŽENJERING“ d.o.o. Goražde, nije prihvatljiva iz sljedećeg razloga:
  - Ponuđač nije dostavio dokaz o registraciji (ovjerenu kopiju originala) čiji datum izdavanja nije stariji od 3 (tri) mjeseca računajući od dana dostavljanja ponude.
  - Ponuđač je dostavio ovjerenu kopiju Rješenja o registraciji, izdatu od Općinskog suda u Goraždu, broj:045-0-Reg-16-000 008 od 28.1.2016.godine, ali datum izdavanja je stariji od 3 (tri) mjeseca računajući od dana dostavljanja ponude, a u tenderskoj dokumentaciji jasno je navedeno:  
*„Ponuđači trebaju u ponudi dostaviti dokaz o registraciji u odgovarajućim profesionalnim ili drugim registrima zemlje u kojoj su registrirani ili da osiguraju posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi s predmetom nabavke.Dokaz se dostavlja kao ovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude.“*

U postupku po Zapisniku o poništenju postupka javne nabavke: „Revizija projektne dokumentacije za projekte zaštite i korištenja voda,“ je utvrđeno da je Komisija za javnu

nabavku blagovremeno i pravilno izvršila postupak ocjene kvalifikovanosti ponuda, o čemu je sačinila odgovarajuće zapisnike.

Nadalje, u postupku ocjene provedenog postupka, Općinski načelnik nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da primljena ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka d) Zakona o javnim nabavkama, odlučeno je kao u članu 1. ove Odluke.

### **POUKA O PRAVNOM LIJEKU**

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke, u skladu sa članom 99. Zakona o javnim nabavkama. Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagач: Služba za privredu, Salih Hasanspahić

Obrađivač: Jasmina Došlić

#### **DOSTAVLJENO:**

- 1x „SMAJIĆ-INŽENJERING“ d.o.o. Goražde
- 1x Služba za privredu
- 1x Služba za finansije, inspekcijske poslove i opću upravu
- 1x Viši samostalni referent - administrator mreže
- 1x Evidencija
- 1x a/a

**OPĆINSKI NAČELNIK**

**Vedad Jusić**



Adresa: Bogumilska br.1 tel, centrala 032/786-020, 032/786-061  
fax:, 032/786-041, 032/786-031  
e-mail: [nabavke@breza.gov.ba](mailto:nabavke@breza.gov.ba) , [www.breza.gov.ba](http://www.breza.gov.ba)

